

次日仍行紅泥灘中，但旁有小沙丘，胡桐漸已枯萎，以後枯樹亦稀，沙丘縱橫，在沙丘中覓見一土墩，附近尙散布少許紅底黑花陶片，可見古時旁塔里木河岸必有居民，但未仔細檢查耳。出沙丘後，又經一樹林地帶，即至六和吉格得。此由塔里木河南岸伯勒克斯牧廠西南行之第二日也。此處有一乾河，寬四十餘米，岸高約六米左右，爲塔里木河支河。自上游莫湖爾草湖中艾克里克分出，東流至羅布淖爾入海。河名阿克對雅。河中有積水，並有一井，水甜，余等即住于河畔。四月五日，自阿克對雅往南偏東行，過一小溝，沙丘鹹地相間雜，經三小時，旅行約二十餘里，抵一大乾河。河床寬約三百六十米，半爲流沙所掩，河床高出地面約一米左右，河床由西南向東北伸展。據說沿此河西去可達和闐河，往東直至羅布淖爾，如此乾河爲舊時塔里木河故道，則現塔里木河已北移百餘里矣。在乾河之南，經過一枯樹林地帶，約二十里即轉入沙丘，亦即塔克拉克馬堪大沙漠之開始。沙山起伏如波浪，橫亘吾人前面，最高者約十餘米，時阻吾人去路，駝馬跋涉上下，頗覺費力（插圖柒，1、2）。在沙嶺中間顯露出紅泥灘，間有烽火遺渣、鐵塊、陶片、灶灰土等。陶片作粉紅色，爲唐代遺物，則此處必爲唐時防守之地，當有建築遺迹，惜吾人未能覓出。又在沙漠中時現古代大道痕迹，則此地爲古時塔里木河南岸沿河行之大道。而古塔里木河在唐代，必爲有水之河，完全變爲沙漠乃以後事也。蓋塔克拉克馬堪大沙漠頗有組織，形同山脈，均西北東南行，每十里或三十里即有一道沙嶺。由乾河往南十里過第一次沙嶺，枯樹紅柳，滿布沙丘。經過第二次沙嶺後，則胡桐漸稀，枯樹橫陳。至第三次沙嶺，則胡桐絕迹，漸有紅柳亦甚稀疏，而爲光寂之沙山矣。沙山高者三十餘米，低者亦五、六米，沙嶺西北面平緩，東南面峻急，可證此一帶沙嶺皆爲西北風所組成。兩沙嶺之間，時現平底，顯露出沖積泥層，每有螺殼等物，爲以前大沙漠中有大河溢流，浸爲湖沼之證。因地形低窪，河水不至，以後湖沼亦漸乾涸，流沙侵襲，遂成今形耳。然由古物之證明，此地沙丘之形成，不過千餘年耳。四月六日，余又踏查乾河東南情形。在乾河之東，似有一平川，沙積較小，平川旁有紅柳格達一綫，南北行。我等在平川上拾有銅片及鐵彈之屬，在沙丘上亦拾有螺殼之類。南行約五、六里地，抵一狹長草灘，東西行，蘆葦叢生，泥淖陷馬蹄，必然爲一淺水湖，現已乾涸也。向東南過一小沙窩，約五十餘分鐘，又抵一草灘，情形同前，而泥淖更甚，則此一帶之乾湖必爲舊時塔里木河溢水所凝積，河流入沙而溢水遂凝爲湖沼耳。西南行，爲一片沙丘，極目無際，本地人稱爲庫木洛可，即大沙漠之意也。然由沙雅穿行沙漠至于闐克衣河末流，須行數百里光寂不毛之大沙漠，倘不得克衣河水頭，吾人必爲克衣河兩岸之枯骨。現已近於春、夏之交，風大沙熱，直穿沙漠，必履危險。吾人踏查至此，乃決定轉行，沿阿克對雅往西至和闐河，再往南，路綫雖曲，但無危險，而可達至于闐考查之目的也。

四月八日上午九時四十分，自六和吉格得出發向西行。此處有兩路：一沿阿克對雅北岸正西行，與沙雅赴和闐大道會；一